



Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimiyim@gmail.com

TAPAK 8

Yangia anidakangma :

Tir Yimiyim

tiryimiyim@aolima

tir yimiyim

TAPAK 3

Pakistan intelligence tekolakba
Lt Gen Faiz Hameed Kabul-i ogo

Assam health department nung
nisung 9,000 shimoktsü



VOL. XVIII NO. 323 (ADOK 323) DIMAPUR

AMUNGNÜ SUNDAY

RONGJUI (SEPTEMBER) 05, 2021

₹ 5.00

Nagaland Governor aser CM-i tesayurtem dang pelar

Dimapur, September 4, 2021 (TYO): Nagaland nung alirtem tenüing nung tesayur ajak dang pelaba osang lemsateper, ta Nagaland Governor RN. Ravi-i ashi.

"Tesayurtemi kanga dang nendaka nübortem, loktiliba aser linük tenzüker. Nenoki tarutsü alima tajungba yangertsü atema bendanga agüja lanurtem aniteter" ta RN Ravi-i ashi.

India linük Tir Dr. Sarvapalli Radhakrishnan tasoba anogo nung asenoki Teachers' Day amonger. Pa ya shisashir ka aser tesayur tajung ka liasü, ta paisa ashi.

"Dr. APJ Abdul Kalam-i mapang shia linük ka indang tarutsü tiäji tesayurtem dak keta lir ta shia liasü. Tesayur kati classroom nung dang masü saka kima nung pei libaliro aser yimiyatem ajanga kaketshirtem ajungmesor aser parnok senso tajung kümdaktsür. Iba anogomong nung nenoki bendanga agütsüshir linük tenzüksü ayongzüker" ta Nagaland

Governor-isa metetdaksü.

Nagaland Chief Minister Neiphiu Rio-ia tanga sangdong ka nung Teacher's Day salem lemsatepogo.

Iba anogo ya kanga tongtipang lir aser tesayurtem nem tetushi agütsür. Tesayur kati anitetbaji kaketshir shia indang taküm ajanga sayur, ta pai ashi.

"Covid-19 wara ajanga Education sector nung kanga mejungi kongshio go aser küm ana jungnüa asenok timtem arur. Ajisüaka, tesayurtemi kaketshirtem makoksadaksütsü atema online education kanga dang meranga inyakba angudang pelar. Iba mapa nung tayongzüka aika lir saka tesayurtem aser kaketshirtemi shilem tajung agiba angudang kanga pelar" ta CM Rio-i ashi.

"Iba anogo nung Teachers' Awards angur ajak nem tenüingsang agütsür. Nenoki maneni külem inyaktertem ajungmesoang aser mapa tajung inyaka aotsü ayongzüker" ta paisa metetdaksü.

COVID-19 Nagaland: Nisung 30,302 nungi 28,018 taneptsü nguogo

Kohima, September 4, 2021 (TYO): Honibarnü Nagaland nung COVID-19 puteter aser taneptsü angur kasasa dang liasü. Tanü putetertem züingsema nisung ajak agi 30,302 kümogo aser iba nung nisung 28,018 taneptsü nguogo.

"Tesüiba ghonda 24 tsüingda nisung 58 dak COVID-19 putet. Parnokji Dimapur nung 31, Kohima o Phek nung tenetnet (7), Peren o Wokha nung pungugu (5), Kiphire nung 2 aser Mokochung nung 1 lir" ta Integrated Disease Surveillance Project atema State Nodal Officer, Dr Nyanthung Kikon-i ashi.

"Külen, kasa mapang tsüingda COVID-19 puteta alir nisung 58 taneptsü angu. Parnokji Dimapur nung 34, Zunheboto nung 9, Mokochung nung 8, Kohima nung 6 aser Phek nung 1 lir" ta

paisha ashi.

Nagaland nung COVID-19 nungi taneptsü angubaji 92.46% lir aser tang nisung 751 anepaludar, ta Dr Kikon-isa ashi.

"Hokolbar tashi nung nisung 660,467 nem COVID-19 vaccine indang dose 875,378 agütsüogo" ta State Immunization Officer, Dr Ritu Thurr-ia ashi.

Vaccine agirtemji frontline workers 60,853, healthcare workers 15,992, arishi küm 45 ser tempur 193,452 aser arishi küm 18 nungi 44 tsüingda alir 390,170 lir, ta paisa ashi.

"Vaccine agirtem rongnungi nisung 214,911-i dose anaprong agiogo. Parnokji frontline workers 44,517, healthcare workers 12,962, arishi küm 45 ser tempur 116,141 aser arishi küm 18 nungi 44 tsüingda alir 41,291 lir" ta Dr Thurr-isa metetdaksü.

Joint Verification team-i Lamhainamdi yim semdang

Peren, September 4 (TYO): Nagaland Police aser Peren District Administration nungi teshimtet telok kati September 3, 2021 nü Lamhainamdi village (UR)-i ao osang metetpelaogo.

Ashishitep aketba tesem nung yimertemi pei temeket merüktetba aser yanglua aliba kiojen yanglushiba dak alaka terenlok mapa inyakba kecha maliasü ta Nagaland Police-i metetdaksü.

Nagaland Police aser Peren District Administration teloki iba yim nung mapa lemzüka aliba security forces aser yimdaklirtem den ajurutepa sensaksema liasü.

Iba mapang parnok dang tensa meraksatsü aser terenlok mapa kecha meinyaktsü ashi.

Parnokisa Kehoi (UR) Platoon semdang aser iba temeket indang osang metetpela.

Iba teshimtet telok nung Lima Sunep Jamir, IPS, IGP (Range) aser ADC Jalukie nati anir DIG (IR) South, SP Peren, CO 9th NAP (IR) Bn., SDPO Peren aser EAC Ngwalwa nungertem liasü.

IGP (Range)-isa IRB Company dang District Administration nungi temelaba magii mapa tasen kecha meinyakdaksütsü atema tetuyuba agütsü.



Honibarnü Assam chief minister Himanta Biswa Sarma, Union minister Sarbananda Sonowal aser Karbi Anglong Autonomous Council CEM Tuliram Ronghang nung lia Delhi nung Centre sorkari Karbi Accord nung sign süogo. Union Home Minister Amit Shah-i ashiba agi Assam sorkari Karbi region nung küm 5 tsüingda Rs 1000 crore shi endoka terenlok mapa inyaktsü. (New Delhi, September -04)

CM Rio-i Delhi nung staffs quarter aser Community Center lapoktsü

Dimapur, September 4, 2021 (TYO): Nagaland Chief minister Neiphiu Rio-i Delhi Nagaland House nung inyaktertem asoshi staffs quarter lapoktsüogo.

Sector 13, Dwarka, New Delhi nung CM Rio-i type I, II & IIA aser Community Center lapoktsü aser Pastor Dr. Rev Ricky Medom-i meshiteta sarasademtsü.

2004 küm pai mezüing Chief Minister inyaktertem taoba Prime Minister Atal Bihari Vajpayee dang Dwarka nung iba kimung meshia liasü aser tanü yangi ki yanglua lapokba ya pungmang asangsang akümba lir ta Rio-i metetdaksü.

Tanga state tem ama masü saka asür PM Vajpayee-i Nagaland Chief Minister nem reserved price nung kimung ana agütsü aser iba atema pa dang kanga pelar, ta paisa ashi.

Iba mapa takok ngua inyakba atema contractor aser department nem tenüingsang agütsür. Sorkari yangluba kiojen ya tetsükdaksü masü saka

alizüing tonga amshitsüla, ta Rio-isa shisem.

Housing & Mechanical Minister Tongpang Ozukum-i tanüingba mapatem tembanga inyaktsü atema senotsü talila meshiba CM Rio-i agütsütsü nangzüker.

Nagaland sorkari linük yimtiba nung kiojen mapatong ana renemogo, ka R.K Puram aser ka Dwarka, Delhi nung lir. Ano, Maharashtra nunga Navi Mumbai nung kiojen ka yangluogo, ta paisa metetdaksü. "Mapang talangka nungi Staff Quarter nungdaka aliba tanü nguogo. Chief Minister Neiphiu Rio lenisüba kübok state tejakleni aoer aser pa ya 'Champion of Development' lir" ta Deputy Chief Minister Y Patton-ia ashi.

Nagaland sorkari staff quarter aser Community Centre yanglutsüogo anungji mapa inyaktertemi linük yimtibai aruba Naga nung yaritsüla, ta Y Patton-isa ashi.

"Chief Minister Neiphiu Rio

indang shisatsü aser alizüing ajanga iba mapatong ya küm 17 tejakdang pai mezüing Chief Minister inyaktertem shisatetba liasü" ta Housing & Mechanical, Tongpang Ozukum-ia ashi.

2007 küm nungi iba mapatong tenzüker aser iba nung Staff Quarter Type I, II and IIA, Community Centre, Power Substation, Basement Parking, Staff Quarter Type 4, Staff Quarter Type 5 aser Twin Tower mapatem liasü. Tang mapa pezü temogo aser asem teyangludak lir, ta Tongpang Ozukum-isa ashi.

DDA, Fire department, Jal Board temi temelaba agütsüba atema pelar, ta paisa shisem.

Iba sentong nung Chief Resident Commissioner and Additional Chief Secretary Jyoti Kalash, IAS, Secretary Housing Kevekha Zehol NCS, Chief Engineer PWD (Housing) Er. Yanbemo Lotha aser Deputy Resident Commissioner Wennyei Konyak nungertem aden.

CCSU-i Tuensang SP mapa nungi agientsü akhanger

Dimapur, September 4, 2021 (TYO): Confederation of Chang Students Union (CCSU)-i DGP, Nagaland dang Tuensang Superintendent of Police mapa nungi agientsü atema mapang atakzüktüogo.

CCSU-i ghonda 24 tsüingda Tuensang SP Amit Nigam, IPS mapa nungi agienang ta Director General of Police, Nagaland

nem takhangba shidi agütsü.

Amit Nigam, IPS-i district nung kin hohotem den tesentaktep shitak mayur aser pai sobaliba inyakyim den meputepi tashi amshir, ta CCSU-i ashi.

August 27, 2021 nü ENSF indang 7 buba General Confecrence alidang pai nungdak security mapa meinyak.

"Maneni, September 2, 2021 nü pai constable ka kin nung ajemdaker o shia teka sangshi aser iba sülen constable nem teraksa ajuruba indang menokdaksü. Anungji

Tuensang SP Amit Nigam, IPS mapa nungi agientsü akhanger" ta CCSU General Secretary Ebou Naset aser President C Pongsu nati shidi nung ashi.

Opposition maliba sorkar nung lendong lir: James Sangma

Dimapur, September 4, 2021 (TYO): Opposition maliba sorkar nung lendong keta lir aser iba ajanga Nagaland state atema timtem bentsür arutsü ta National People's Party (NPP) national general secretary James Sangma-i ashi.

Nagaland nung tawa Naga People's Front (NPF)-i People's Democratic Alliance (PDA) nung dennür Opposition maliba sorkar akümba atema James Sangma-i iba olen jembi.

NPP national general secretary ya Meghalaya nunga cabinet minister lir aser Dimapur nung party executive senden ka amenba sülen osangbener den jembidang pai iba ya ashi.

"Opposition takang ka melira democracy tamendakdak mali akümer. Democracy mapa kuma inyaktsü atema opposition ka nungdaker. Opposition melira democracy atema dang masü saka state, sorkar

ketdangsübaren, administration aser legislative maparen ajunga nung timtem bentsür arutsü" ta pai metetdaksü.

"Nübertemi parnok tebilemstütem lemsateptsü atema sabang ka nungdaker. Political party ka ama onoki Nagaland nung iba tapok mepadaksütsü aser sabangji mesamadaksütsü. Tanga political party temi meinyaknüba mapa onoki inyaktsü" ta James Sangma-isa ashi.

DMHSS nung tesayurtem anogo mungogo



DABA Town Fellowship Tenlakidang Honibarnü tesayurtem anogo ayongzüka amungba mapang Dimapur Mission Higher Secondary School tesayurtem aser School Governing Board züngsemtem külemi tangokba noksa nung angur.

Dimapur, Rongjui/September 4 (TYO): Covid 19 wara tesashi liaka, Dimapur Mission Higher Secondary School Management-i DABA Town Fellowship tenlakidang Honibarnü tesayurtem anogo sentong ka ayongzüka katsüogo. Covid 19 dak sendakba nung tenokdangba agütsür aliba ajanga sentong nung kaketshirtem medeni tesayurtem dang liasü. Linük yangerba nung tesayurtemi tongti shilem agiba atema tenüngsang agüja jembiba mapang, DABA pastor Rev. I. Wati-i, tesayurtem dang yimayimpong balala bener aliba kaketshirtem anitetba

maparen nung akok tashi aremzüka inyaksü ajungshi. "Nenok yagi school nung agüja aliba syllabus dang sayur masü saka tongtibangsa nenoki nenok libaliro aser yimayimpong ajanga kaketshir noklang aika taküm nung kongshir," ta shia pastor-i tesayurtem ajungmeso. Tesayurtem atema sarasademtsütsüba mapang nung tesayurtem dang parnok mapa ya kanga dang meraket mapa ka lir aser parnok ya Tsüngremi shimbapurtem lir, ta paisa ashi. School governing board mendenbuba, K.Temjen Jamir-i tesayurtem nem tetushi aser sempet balala agüja liasü. Talisa

wara pokteter aliba mapang tesayurtemi bendanga agüja inyakba aser kaketshirtem nendaka anepaluba atema parnok nem tetushi agüja liasü. Sentong nungsa school principal Alemtoshi-i school academic report agütsü aser Meyamongla-i tesayurtem tenüng nung school management dang kanga pelaba lemsatepa liasü. Iba sentong ya School Governing Board member, Dr. Maongkala Longchar lenisüba nung agi aser Dr. Bendangjungshi aser Rev. Wati Kichu nati tetenzük aser tatembang sarasadem agia liasü.

Wangkha Govt College nung waiting shed semzükogo

Dimapur, Rongjui/September 4 (TYO): Konyak Union-i achaayanga Committee for NAAC Assessment (CoNAP) amenoktsüogo. Iba committee ya Konyak Gazetted Officer's Union (KGOU) tekolak ser inyaksangshidar aser Deputy Resident Commissioner, Nagaland House, New Delhi, Wennyie Konyak Committee Convenor asütsü shimmer lir. CoNAP-i teküboklen aliba osettsüttem alitsü atema senotsü teyari

- agütsüogo: 1. Nisung asem amenba desk aser bench 50 (tenem).
- 2. Armless plastic chair 100 (noklangka).
- 3. Arm aketba plastic chair 100 (noklangka).
- 4. Academic Building atema CoNAP ajanga 2KVA inverter 1 (ka) tenlaagütsütsü. Kasa mapang nung KGOU kübok CoNAP-isa, college kima waiting shed ka yanglutsüogo, koba September 4 nü KGOU tatong tir Chenkang Salym-i

semzüktsüogo aser KBBB Evangelist, Langphong-i iba ki meshiteta sarasademja liasü. Iba waiting shed ya NAAC Assessment tetuyuba kübok college atema tenüngdaksü ka liasü. Sentong nung o jembiba mapang Principal, Wangkao College, Dr. I. Wati Imchen-i, waiting shed yanglutsüba aser college nung tanga tenüngdakbatem peritsüba atema KGOU dang kanga pelaba lemsatepa liasü.



September 4 nü DEO Office chamber nung Mokokchung District Teachers Award 2020-2021 sentong agiba mapang tangokba noksa nung angur.

DDO aser Bill Assistant tem training agitsü

Dimapur, Rongjui/September 4 (TYO): PIMS-Pay Bill System den online e-Pay Bill benoktsü aser state nung e-Pay Bill benoktsü atema P&AR Department (PIMS) aser Finance Department (Treasuries & Accounts) na longjemer DDO aser Bill

Assistant tem (itasen renemertem) nem September 6 nü nungi tenzüka training agütsütsü. Iba dak sendakba nung Directorate of Treasuries & Accounts-i, DDO aser Bill Assistant ajak dang training nung shilem agitsü metetdaksüogo.

Security Forces-i OGW ana apu



Dimapur, Rongjui/September 4 (TYO): Security Forces aser Police na longjemer August 30 nü Thahekhu, Dimapur nung NSCN (IM) aser NSCN (KN) nungi OGW ana puogo. Osang tejangja angazükba sülen Security Forces aser State Police na longjemer Thahekhu tesem meita aoba mapang

NSCN (IM) nungi ka aser NSCN (KN) nungi ka ta OGW ana puogo aser tena ket nungi sen 47,600 nguteta liasü. Aija alisang ana aser tena ket nungi ngutetba sen ya Sub Urban Police Station, Dimapur District nem ken o maneni bushisüngdangtsü atema bendanga agütsüogo.

Zhaleo-i Vihokhu nung Sadbhav Mandap semzüktsü



Vihokhu yimtsüng nung September 4 nü Sadbhav Mandap semzüktsüba sülen Zhaleo Rio, IAS (Retd.), Advisor, Sericulture, Excise & Minority Affairs aser tanga lenirtem tangokba noksa nung angur.

Dimapur, Rongjui/September 4 (TYO): Minority Affairs Cell kübok multi-facility centre, Sadbhav Mandap ki tasen ka Advisor, Sericulture, Excise & Minority Affairs, Govt. of Nagaland, Zhaleo Rio, IAS (Retd.)-i September 4 nü Vihokhu Village Local Ground nung semzüktsüogo. Ki semzüktsüba sentong nung o jembiba mapang Zhaleo-i, common facility centre ya PMJVK kübok 2019-20 tsünga Department of Minority Affairs, Govt. of India-i senotsü teyari agüja yangluogo, ta ashi. Paisa, Naga nungertem ya lokti nung nütsüng agi ajema aliba lokti ama züngshitsü akok kechiyong national jenjang nung Khristantem ya minority lir ta ashiba den Minority Community block tem amenokyonga odar, kechiyong state nung Niuland sub-division kija ya recognised block lir, ta ashi.

multi centre takok ngua yangerba nung shilem agirtem dak temulung asüba lemsatepogo. Pai, iba centre takokba tashi amshitsü saka kasa mapang nung kanga kümdanga anepalutsü ajungshi. "Iba centre ya lokti ajangzüktsü atema amenokba lir aser iba ya amshitsü aser anepalutsü atema lenirtemi teka amtper inyaksüla," ta pai ashi. Maneni pai, health, lenmang, school education sectors amala nung terenlok bener arutsü pa bendanga agütsür lir, ta ashi. Covid wara indang jembiba mapang pai, iba tashidak ya samaa maotsü aser wave tasembuba agi mashi mapang ka nung kongshitsü akok, ta ashi. "Temsüa alirtem ajak vaccine block tem amenokyonga odar, kechiyong state nung Niuland sub-division kija ya recognised block lir, ta ashi. Rio-isa, kisü jensü aser iba ayongzük.

Assam nung shisaliok tejutem lapoktsü atema SOPs agütsür

Guwahati, September 4, 2021 (Agencies): Assam Education Department-i September 6 nungi shisaliok rejutem lapoktsü atema "supplementary Standard Operating Procedure (SOP)" ka agütsüogo.

Iba ya higher secondary final year, graduation aser post-graduation kaketshirtem atema lir.

Classes 1 nungi 11, graduation indang mezüngbuba semester 7 aser first-year

postgraduates atema online class maneni agütsü, ta Education Department-isa metetdaksü.

Shisaluymba wadang tiptema agütsü aser Assam nung COVID-19 tensa tajungba akümba nung ajemdaker school tanaben lapoktsü teletetba agiogo, ta parnokisa ashi.

Ajisüaka, school-i aotsü memolunger kaketshirtem atema maneni online class agütsü, ta sorkarisa ashi.

Arishi küm 18 temapur kaketshirtem den teaching aser non teaching staff vaccine agiba sülen ang school lapoktsü melar, ta SOP nung shia lir.

Class section shia nung kaketshir 30 dang adentsü aser kaketshir talila süra tesayurtemi section teimba lematsü, ta SOP nungsa metetdaksüogo.

Taküm COVID-19 wara tanabuba adokba sülen Assam nung April ita nungi school aser college tem shibanga liasü.

Manipur police kati doctor dak teka sangshiba atema mapanungi anentsü

Imphal, September 4, 2021 (Agencies): Imphal East nung police ketdangsür kati Jawaharlal Nehru Institute of Medical Sciences nung doctor ka dak teka sangshiba atema mapanungi anentsüogo.

Dr K Soreingam-i pa kinungtsü Dr K. Lumthing tanii orr kidangi meyipa aodang lendongji atalok. Pa kinungtsü ya Catholic Medical Center nung inyaker.

Imphal East District nung CDO unit, Collin Kshethrimayum-i Dr Soreingam dak teka sangshi aser iba atema pa mapanungi anentsüogo.

"Küna kidangi aodang CM'er ki anasa Luwangsangbam nung CDO police anati gari

anendaksü. Ni lenmang tezülen gari anen aser police kati kong nungi arur ta asüngdangba atema ni mozü kidang nungi arur ta langzü saka pai tanaben asaloktsü" ta Dr Soreingam-i agütsüba FIR nung shia lir.

"Police jagi ola tulu agi aiben asüngdangba agi ni CMC hospital nungi arur ta langzü aser idangji pai ni gari nungi alutsü ashi" ta paisa shia lir.

"Iba mapangji tanga CDO police aru aser kü dak tejak nung anaben maoktsü aser na shiba ta asüngdang. Ni Doctor ka aser operation ka agiba sülen mozü kidang nungi arur ta ni langzü. Iba sülen police-i ID Card meshi" ta Dr Soreingam-i ashi. Police dang ID sayuaka

parnoki AK rifle agi akhatsü amokmeren. Pai A.K rifle butt agi kü tekolak nung ako, ta Soreingam-isa shisem.

Police ketdangsür indang name plate nung 'CK Mangnag' ta zülua liasü saka pa den alisang indang name plate bo maliasü, ta paisa metetdaksü.

Iba tatalokba ya Teachers' Association of JNIMS-i khukhua aitsüogo. Parnoki sorkar dang police ketdangsürtemi tashiyim mapanungi atema merenshitsu takhangba agütsü.

"Iba ketdangsür mapanungi anentsüogo aser onoki maneni bushisüngdangtsü" ta SP, Imphal East District N Herojit Meetei-i ashi.

Arunachal police-i bike auyar telok ka makdok

Itanagar, September 4, 2021 (Agencies): Arunachal Pradesh nung capital police-i bike auyaba telok ka makdokogo. Parnoki Assam aser Itanagar nung nisung 7 apu.

Auertem ket nungi bikes aser scooters 11 ngutetogo.

Itanagar nung two-wheeler kanga auyaba ken o tem benokba agi SI N. Nishant lenisüba kübok Capital Police telok kati Itanagar tesem nung bike auyaba telok ka mita oa

makdok. August 14 nü Chimpu nung police station tasen ka lapokba sülen two-wheeler auyaba ken o 7 tashi benoka liasü.

Taoba hopta police-i two-wheeler ka auyaba ken o atema bushisüngdang asü dang tanur ka apu aser iba sülen Chimpu police-i auertem tsüngsü bushitsü tenzü.

Taoba anogo ana tsüngda Chimpu police-i Assam-Arunachal tesem nungi two-wheelers 11 tashi ngutet.

Police-isa Balijuri nungi auyaba bike yokdoker ta temolung meleme bilemer nisung 3 puogo.

Auertem jagi Chimpu-Itanagar tesem nungi two-wheelers auya aser Seijosa o Assam nung jenjang dalang agi yokdok.

Parnoki auyaba bike teimba ka indang jenjang Rs 1.5 lakhs nungi Rs 2 lakhs tashi liasü saka bike ka nung Rs.1000 nungi Rs.3000 agi yokdok.

Assam health department nung nisung 9,000 shimoktsü



Keshab Mahanta (File phoyo)

Guwahati, September 4, 2021 (Agencies): Assam health department nung mapa tazüng 9,000 shi aliba nung nisungtem shimoktsü ta health minister Keshab Mahanta-i metetdaksüogo.

Ita pezü tejakdang nungi pai health department ketdangsütsü tenzüker nisung 1,900 tashi aniokogo. ta Keshab Mahanta-i ashi.

"Ozü sorkar akümba sülen onoki Health department nung

nisung 1,941 mapa nung shimokogo. Parnokji nurse nungi medical staff nungi non-technical staff lir" ta pai osangbener dang ashi.

Honibar Guwahati nung sentong ka agidang Minister Mahanta-i medical colleges aser government dental colleges nung 70 faculties (medical/ non-medical) nem appointment letters agütsü.

Tan ita tsüngda Health department nung mapa tazüng 9,000 shi aliba atema advertisements agütsütsü ta paisa shisem.

Sorkar aser nija office, shisaliok rejutem aser shishilembadak ajak nung staff ajak COVID-19 anema vaccine agiogo ta asüba self-declaration ayutsüla, ta Health Minister-isa metetdaksü.

Asür T. Meren Tzüdir Den Tepila Sentong

Anogo: 05.09.2021

Mapang : 1:00PM



Aso: 15.07.1962

Asü: 04.09.2021

1. Sentong Lenir : Mr. N. Lipok Jamir, Pastor, ABCD
2. Sarasadentsü : Mr. Bendang Walling, Deacon
3. Asü Pila O : i) Kinunger
ii) Department
iii) Kiyonger
iv) Ao Youth Forum Diphupar
v) Diphupar Ao Senso Telongjem
vi) Yimjenkimong Village Council
vii) Yimjenkimong Baptist Arogo
viii) Late T. Meren Tzüdir Zünger
ix) Dimapur Yimjenkimong Senso Telongjem
4. Tsüngrem O : Mr. N. Lipok Jamir, Pastor, ABCD
5. Tatem Ken : "Pai Meimer"
6. Tatem Sarasadem :

Form No. 3

[See Regulation-15 (1)(a)] / 16(3)

DEBTS RECOVERY TRIBUNAL GUWAHATI
Suwarna Bhawan, House No. 12, New Town Path, Near Hanuman Mandir, G.S. Road, Ulubari, Guwahati- 781007 (Assam)

Case No.: OA / 79 / 2021

Summons under sub-section (4) of section 19 of the Act, read with sub-rule (2A) of rule 5 of the Debt Recovery Tribunal (Procedure) Rules, 1993.
Exh. No. 1223

BANK OF BARODA - VS - MR. LIKATO SUKHALU

To,
(1) **MR. LIKATO SUKHALU**
S/o Inaho Sukhalu, House No. 4, Block V, Thilixu Village, Dimapur, NAGALAND-797116.
(2) **MRS. KAKHELI ZHIMOMI**
W/o Likato Sukhalu, House No. 4, Block V, Thilixu Village, Dimapur, NAGALAND-797116.

SUMMONS

WHEREAS, OA/79/2021 was listed before Hon'ble Presiding Officer / Registrar on **27.08.2021**.

WHEREAS this Hon'ble Tribunal is pleased to issue summons/notice on the said Application under section 19(4) of the Act, (OA) filed against you for recovery of debts of **Rs. 3,25,28,802.97/-** (application along with copies of documents etc. annexed).

In accordance with sub-section (4) of section 19 of the Act, you, the defendants are directed as under :-

- (i) to show cause within thirty days of the service of summons as to why relief prayed for should not be granted;
- (ii) to disclose particulars of properties or assets other than properties and assets specified by the applicant under serial number 3A of the original application;
- (iii) you are restrained from dealing with or disposing of secured assets or such other assets and properties disclosed under serial number 3A of the original application, pending hearing and disposal of the application for attachment of properties;
- (iv) you shall not transfer by way of sale, lease or otherwise, except in the ordinary course of his business any of the assets over which security interest is created and/or other assets and properties specified or disclosed under serial number 3A of the original application without the prior approval of the Tribunal;
- (v) you shall be liable to account for the sale proceeds realised by sale of secured assets or other assets and properties in the ordinary course of business and deposit such sale proceeds in the account maintained with the bank or financial institutions holding security interest over such assets.

You are also directed to file the written statement with a copy thereof furnished to the applicant and to appear before **Registrar** on **11.10.2021 at 10:30 A.M.** failing which the application shall be heard and decided in your absence.

Given under my hand and the seal of this Tribunal on this date: 30.08.2021.
Signature of the Officer Authorised to issue summons.

Mizoram nung nisung 825 dak Covid19 putet

Aizawl, September 4, 2021 (Agencies): Honibarnü Mizoram nung nisung 825 dak Covid19 aliba putetogo. Parnok züngsema tang tashi nung nisung ajak agi 62,817 kümogo.

Tesüiba ghhonda 24 tsüngda COVID-19 puteta alir ka asü aser iba nisung züngsema tasür ajak agi 220 kümogo, ta ketdangsür kati ashi.

Tanü putetertem rongnung tanur 203 densema lir, ta paisa ashi. Mizoram nung tang COVID-19 puteta anepalur nisung 10,517 lir aser 52,080 taneptsü nguogo.

Hokolbar tashi nung nisung lakh 6.57 nem vaccine agütsüogo aser iba nungi lakh 2.46-i dose anaprong agiogo, ta state immunisation officer-i ashi.



TIR YIMYIM

YIMOBILEM (EDITORIAL)

DIMAPUR AMUNGNÜ, RONGJUI (SEPTEMBER) 05, 2021

Shinga nema mezüngmeshi tesüdaktsü

Timoti ya Tsüngrem mapa inyaksü jangraba asangur ka liasü. Ajsüaka, tangari pa dak temulung melemettsüsa pa taküm nung tashimait kar aliba ajanga, pa tezüdangdaktsütsüsa nisung kari pa mezüngmeshia jembiba tenyar Pauli angashi südi. Iba jagi pai Timoti dang, "nü asangwa mapang shinga nema na mezüngmeshi tesüdaktsü saka nü jembishinü, libaliro, temeim mapa inyakba nung, tanüla taküm aser tamangba jenjang aser asüngteta aliba maparen ajak nung amangba purtem asoshi tatishitsü tajung aketba nisung süang," ta ashiba 1 Timoti 4:12 nung shia aliba angur. Atangji, Timoti temang nung timtema tera liasü ta angateter aser pa ya kangabo jetperaa aliba asangur ka masü aser ano arogo nung inyaksübo küm agia memeshi ta aikati pa dak temulung melemteti bilema jembia alitsüa akok. Iba ama tasümaittsüba o ji angashia, ashiko, Timoti-ia pasasa pa dak temulung melemi aküm asütsüa akok. Ibaji reprangteta 2 Timoti 1:7 nungbo Paul-isa Timoti dang Tsüngremi asenok nem tetsübu tanüla masü saka ain, temeim aser tazüokba tanüla agütsü ta shia angur. Iba Laishiba nung Paul-i Timoti ya par jabaso ama bilema tamang aser mapa na prongla nung tasü itdaktsütsü merangba ya jangratemtsüka lir. Iba denji medemdanga, Paul-i Timoti dang ashiba o ya tanü asen dang ashir ama bilema kodang asenoki asen taküm jenjang bushidir, atangji Tsüngremibo asen nem ain aser sempet agüja lir ser nung, aji mamshitet tangari mezüngmeshitsüsa asenok lia alitsüa akok. Tangar nem mezüngmeshidaktsüba tetezü tangari asenibo kecha meinyaktetsü amai bilemba aser asen dak temulung malemba ajanga yimten, arogo aser lokti nung shilema kecha magütsüba, paibo mejembittetsü, paibo kecha magütsütsü, paibo moutettsü, paibo shitak meinyaktsü, pabo menendak aser pabo ochimashi, shi azü aser achiajem nung mazüok, azümasen aser paibo makoktsü ta tangari asen indang jembibaji tangar nem asen mezüngmeshidaktsüba mapatem lir. Anungji, tangari iba amaji mezüngmeshia meblemetsü aser mejembitsüsa asenok libaliro, jakla yimya, tanüla aser tamang jenjang alitsübaji kanga tongtibanga ta asenok danga Paul shiti ajanga shinür. Aiben asenoki tangar nem mezüngmeshi mesüdaktsütsü indang jembidang, tangar nem asenok o tamajung shia memerenshidaktsütsü mesüra mezükdaktsütsü indangang jet ta bilemloker alir. Ajsüaka, Paul-i Timoti dang ashiba yabo tangari asen dak temulung melemi malitsüba indang ashir. Aji oda, tangari asen dak temulung lemteta amangli amangerbo pa ama amangang, pa ama tamang o mapa na sütepa liang, pai inyakba ama temeim mapa inyakang aser pa ama peisasa achiajem aser shi azü nung azüoka asüngteta liang ta asen agi tangar atema tatishitsü tajung süa jembitsüsa aliba takümü tangar nem mezüngmeshi mesüdaktsü tangari züngshitsüsa aliba taküm asütsü. Atangji, asenok shi taküm ya temang nunga aser tanüla nunga tashimait agi sünga lir. Aji oda, kodang asenoki asenok dak aliba tashimait indang bilemdangdir mesüra tesüiba anogotem nung Tsüngrem temeim mangateti nemzüba mapatem indang bilemdangdir, tangari masü asensasa asen mezüngmeshia bilemetsüa akok. Iba jagi asenok tasümaittsü, nümamedangtetsü aser Tsüngrem tenzüka mapa nung inyaksüa tezüdanga bilemetsü. Aji oda, nai na alima tsütsü tashitemetet peria makaba, ali rongsen nung sensakba aser temang nung mekokmein aliba indang bilema nüsasa nai Tsüngrem aser nübortem tenzüksüba mapa nung metemsüa ta bilemetsüa akok. Ajsüaka, 2 Korint 12:9 nung Paul dang Tsüngremi ashiba yamai zülua angur, "Kü tauchi na asoshi teperi, kechiaser kü ain mekokmein nung abensadaktsür." Aji oda, asen dak tashimait aser mekokmein alibaji, ashiko, Tsüngrem ain jungkai adoktsü asoshi agütsüba taküm tia ka asütsüa akok. Ibaji angateta, asenokbo, tangari asenok dak temulung melemi mezüngmeshitsüsa masü saka asen taküm ajanga Tsüngrem ain jungkai adokba ajanga tangari asen züngshitsüsa alitsü merangdi.

OLEMSABANG

Asenok ya Tsüngrem lar asü Tsüngrem chir?

T. Meren Paul, Kohima

(Yashi adok nungi...)

Ni lai medemdanga tamendakbaji English KJV nungi aser Tasen Lai (Jubilee Version) nung reprangdang nung KJV nung Servant ta lai tekong 69 nung zülua alibaji Temeshi Lai nungbo lai tekong 15 tashi nung "alar" ta meyipzüka lir, "kilir" ta lai tekong 38 nung, aser "tenzüker ta lai tekong 16 nung meyipzüka angur.

English nung servant ta shia alibaji Ao nungbo tetetzü palala asem tashi, Alar, Kilir aser Tenzüker ta meyipzüka angur. Lai tekong tongtipang 15 tashi nung servant ta aliba "alar" ta meyipzüka aliba jagi asenoki asen ya Tsüngrem lar ta jungjunga angatetdaksür südi. English laishiba tejendem nung "servant" ta aliba nungi "Alar" ta meyipzüka aliba lai tekongdemji - Mati 10:24; 20:27; Mark 10:44; John 8:34, 35; Rome 1:1; 1Korint 7:21, 22; 9:19; Galatia 4:1; 4:7; Filippi 2:7 züngdangra angutsü.

Temeshi Tasen Lai nungi kü study atema shimtetba lai tekong ana rongnung mezüngbubaji -

1 Corinthians tapu 7: 21, 22 (Jubilee Adok) tekong "21 Na alar süa alidang aja asü? Aji indang kecha tebilem, saka na nüji kümra yamaji sang. 22 Kechiyong shiba alar süa alidang Kibubai aja, Kibubai nüji kümdaktsüba pa, aser nüji tia nung aliba nisung ka kodang jadri paji Khristar lar akümer".

English (KJV) nungi "21 Are thou called being a servant? Care not for it, but if thou mayest be made free, use it rather. 22 For he that is called in the Lord, being a servant, is the Lord's freeman: likewise also he that is called, being free is, Christ's servant".

Tabensaba yamai meyipzüksü südi - 21 Na tenzüker ka süa alidang aja asü? Iba indang kecha tebilem, saka na nüchiso kümdaktsü süra ibaji amshiang. 22 Kechiyong shiba tenzüker ka amah, Kibuba dangi aja, Kibuba nung nüchiso lir, yamajisa shiba jatetogo aser nüjiso nung lir, paji Khrista-er tenzüker.

Temeshi Lai nung alar ta meyipzüka alibaji English Laishiba mezüng meyipzüka tejentibadem, The Wycliffe Bible aser KJV nungji 'servant' ta, Geneva Bible nung friend ta, ESV nung 'bondservant' ta angur saka twentieth century nung meyipzüka Laishibatam JB, NLT, NRSV, NIV, NASB, AB, GNB nungbo 'slave' ta angur.

Ni tanapuba bushidanga lai tekongji, Galatians 4: 5-7 (Jubilee Adok) nungi yamai Temeshi Laishiba nung angur. "5. Oda ozüng kübok alirtemji alangzüksü asoshi aser Tsüngrem chirtem kümdaktsüba agizüksü asoshi, 6. aser nenok pa chirtem asünung, aji sayutsü asoshi Tsüngremi pa Chir Tanela asenok mulungjangi yok, aser iba Tanelai "Aba, Oba" ta ayimtener. 7. Anungji na joko alar ama masü, saka techir lir aser techir ka süra Tsüngremi na pa senmanger kümdakja lir".

English Laishiba palala nung Galatia 4: tekong 7 ji koma zülua lir reprangdangdi.

1. Geneva Bible, 7 Wherefore, thou art no more a friend but a son: now if thou be a son, thou art also the heir of God through Christ.
2. Tyndale, 7 Wherefore thou art no more a servant but a son, then an heir of God through Christ
3. Mathew Henry, 7 Wherefore thou art no more a servant, but a son, and, if a son, then an heir of God through Christ;
4. KJV, 7 Wherefore thou art no more a servant, but a son; and if a son, then an heir of God through Christ.
5. Webster Bible, 7 Wherefore thou art no more a servant, but a son, then an heir of God through Christ.
6. The Wycliffe Bible, 7 And so there is not now a servant, but a son; and if he is a son, he is an heir be God.
7. Jerusalem Bible, 7 and it is this that makes you a son, you are not a slave anymore; and if God has made you son, then he has made you heir.
8. ESV, 7 So you are no longer a slave, but a son, and if a son, then an heir through Christ
9. NRSV, 7 So you are no longer a slave but a child, and if a child then also an heir, through God.
10. HCSB, 7 So you are no longer bondman, but son; but if son, heir also through God.
11. GNB, 7 So then, you are no longer a slave but a son or daughter. And since that is what you are, God will give you all that he has for his heirs.
12. NLT, 7 Now you are no longer a slave but God's own child. And since you are his child, God has made you his heir.
13. NIV, 7 You are no longer a slave, but God's child; and since you are his child, God has made you also an heir.
14. NASB, 7 Therefore you are no longer a slave, but a son, and if a son, then an heir through God.
15. AMB, 7 Therefore, you are no longer a slave (bondservant) but a son, and if a son, then [it follows that you are] an heir by the aid of God, through Christ.
16. TLB, 7 therefore thou art no more a servant but a son, and if a son, then an heir of God through Christ
17. Jubilee Bible, 7 therefore, thou art no longer a slave, but a son, then an heir of God through Christ.
18. NKJV, 7 Therefore you are no longer a slave but a son, and if a son, then an heir of God through Christ.

Tamalen ashi ama, Theological College nung mazüngji Hebrew aser Greek oshi mangazük anungji Laishiba mezüngben Hebrew aser Greek oshi nung koma zülua lir ni memetet, saka English laishiba version shia temeyipzüba tera palala angur. Item laishiba 18 rongnungi kanga puteba zülua alibaji-Geneva Bible, Tyndale Bible, Mathew Henry Bible, KJV aser Webster Bible nung angur. Ni KJV Galatians 4:7 nung zülua alibaji yamai meyipzükdanger, "7 Kechiyong na joko tenzüker ka masü, saka jabaso ka, jabaso ka sürabangla Khrista ajanga Tsüngrem senmanger".

English laishiba nung tatempuba oren nung "through Christ" ta aliba ojangji Temeshi Laishiba nungji "Khrista ajanga" ta asüba ji meyipzüka enoka mangur. Ni laishiba 18 nungi English nung aliba bener arua yangi sayubaji asenok kwikadi Yisu Khirstaji pei kümtetdakba ta tebang agi nangzüka ali aser Tsüngremi Pa tasü nungi shia arudaktsü ta amangogo, (Rome 10: 9, 10) asenok joko alar masü saka Khrista ajanga Tsüngrem chirdem kümdaktsüba sülen Tsüngrem senmanger kümdaktsüogo ta angatetsü aser jangjatsü asoshi bener arur. Oren ozüym tera palala saka laishiba palala 18 prongla nungji "alar masü saka jabaso aser senmanger" ta tejangja shia angur.

Iba lai tekong nung kanga jangja janga-a asenok Khrista zü agi alangzüka pur asünung asenok joko alar-a masü, kilir-a masü aser tenzüker-a masü saka Pa chir aser Pa senmanger kaka kümdaktsüogo ta angateter. Alar-i kibur senmang kodanga mamanger anungji asenoki asenji Khrista-er lar ta angatetra aser yamaji amangra asenok ano malangzüker aser Pa chir ano maküm ta sayur. Room 8:tekong-15"Kechiyong nenoki tanaben tsübuttsü asoshi talenba tanela magizük, saka Tsüngrem pei meyong kümdaktsüba chir Tanela koba agi "Aba, Oba" ta ajar, iba Tanela nenoki agizük. Tekong-16 Asenok Tsüngrem chirtem ta Tanelai pei sasa asen tanela den kuli agütsür". Iba lai tekong nung ashiba kesaji Galatians 4:6 nungjia angur, aser kechikoda Tsüngrem Tanelai asenok Tsüngrem chirdem ta asen tanela den kuli agüja asenok Pa chir aser Pa senmanger saka alar masü ta sangdonger. Jokorla asenoki Tsüngrem dang ni Nü lar ta meshili saka ni Nü chir kümdaktsüba yong ni Nü dang pelar ta shidi.

Ni theologian ka masünungji mapang aika endoka laishiba zünga bushia edem lai tekongdem ya bendena iba ocet ya zülugo. Tejen lai nungbo alar ta asüba ojangji aiben zülua angur kechiyong Yehuda nung asoshi alar ayutsübaji par yimsü yimbong nung melaa liasü. Alardemji kar sentsü tsür alar akümba, saka teimba ka rara nungi pua bener aruba liasü. Saka parnoki küm 7 benjongmong (jubilee) küm alar ajak talenba nungi salaa nüjiso agütsü. Tasen lai nungbo alar ta asüba tejangja ji Colossians 4:9 aser Philemon 1:10 nung Onesimus dak alaka tangarbo shinga mangur. Tsüngremi tazünger ajak nem tangatetba aser terajem shisa tajung agüjangma, amen.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Lakewood Arogoi yipru lendong agi kongshir aika yaridar



Houston, Texas nung aliba Lakewood Church nung tawa Ida yipru agi kongshirtem jenoka aliba noksa nung angur.

September 04, 2021: Houston, Texas nung televangelist, Joel Osteen-i aniba Arogo- Lakewood Church-i tawa Ida yipru agi kongshiba nisung 100 dak tema jenokdakja anepaludar.

Taoba Amongnü Ida yipru agi Louisiana aser New Orleans kongshi, aser iba lendong nung nisung ana asüba den nisung aika ki makai kümogo.

Osangbener den jembidang Joel Osteen'er kinünger, Matt Osteen-i, Louisiana nungi tejenokdak nungdakertem atema Lakewood Church nung tejenokdak angutsü, ta metetdaksü.

Osteen-i, "Hokolbarnü (August 27) iba yipru tesashiba akümba mapang nung onoki

Louisiana aser New Orleans nung ajenertem jenokdaksütsü atema apiteta liasü, anungji tejenokdak nungdakertem dang onoki tejenokdak agütsütsü ta sangdonga liasü," ta metetdaksü.

"Lakewood Church indang shelter ya khenpiga atema dang yanglu saka Ida yipru agi kongshirtem atema onoki ki süja chiyungtsü agütsütsü sentong lir. Ozü Arogoi anasa aliba Arogotem den longjemer teyari balala agütsütsü," ta paisa metetdaksü.

Iba Tenla ki building ya tamalen Compaq Center ta ser basketball stadium ama amshia liasü, aser iba nungji nisung 16,800 tashi asemer. Iba building nungsa takdang noklang aika lir aser iba nungji

alima lendong balala mapang nung nüburtem jenokdaksür.

Lakewood church relief team-i Ida yipru agi kongshirtem nem chiyungtsü agütsür aser teyari nungdaker shinga meyipa meyoker.

US nung Catholic Arogo kübok domestic relief agency-Catholic Charities USA (CCUSA)-ia iba yipru agi kongshirtem jenokdaksütsü, chiyungtsü agütsütsü aser kiojen yanglushiba nung yariteptsü, ta sangdonga liasü.

Hurricane Katrina lendong atalokba sülen küm 16 ajungba mapang nung Ida yipru lendong atalok. 2006 küm August ita tatembanglen New Orleans nung Katrina yipru lendong nung nisung 1,800 dak tema asü.

Taliban teloki Pakistan nunga Khristantem anema inyaksüa akok

September 04, 2021: Tang Taliban teloki Afghanistan linük yimsüsüba mapang nung Pakistan nunga Taliban kongsang ajanga Khristantem anema inyaksüa akok, ta International Christian Concern-i metetdaksü.

Taliban telok yagi religious freedom anema inyaker aser parnoki Sunni Islamic yimsüsüba benoktsü. Taliban teloki Islam yimsü dak alaka tanga yimsü a m a n g e r t e m b o mamangertem ama züngshir aser m a m a n g e r t e m j i tepuokdak ayur, reshikangshir aser tepseter.

Parnoki Muslim nunger süaka aika yimsü ashioktsürtem ama züngshir.

Brookings Institute-i ashiba agi, "Afghan Taliban ya Shiite Muslim anemertem lir. Anungji Taliban yimsüsüba ajanga Pakistan nung Sunni Muslim aser Shiite Muslim tsüngda rara adoktsüa akok. Afghanistan dang nungibo Pakistan nung Shiite Muslim nunger nütsüng timba lir," ta metetdaksü.

U.S. Commission on

International Religious Freedom (USCIRF) 2021 Annual Report ajanga Pakistan-i religious freedom anema inyaker, anungji iba linük ya Country of Particular Concern (CPC) linüktem rongnung züngoktsüla, ta benoka liasü.

Afghanistan linük-a State Department's Special Watch List nung densema lir aser Taliban telok ya 'Entity of Particular Concern' nung züngoka lir.

USCIRF report nung shia aliba agi, "2020 küm USCIRF-i linük 26 nung religious freedom anema inyakba asadanga liasü aser US Tir, secretary of state aser Congress matsüngdang asalentong balala benoka liasü."

Tawa Carnegie Endowment for International Peace-i ashiba agi, Afghan Taliban-i Pakistan telung nunga parnok amenoktsü meranger. Afghanistan nung Taliban teloki tang Pakistan nung lenirtem mezüngshir aser Pakistan sepaitemi Taliban menokdangtsüa akok.

Ajioda süra Pakistan nung Khristantem ano taliba reshikangshitsü.

Tang-a Pakistan nung T s ü n g r e m m e z ü n g m e s h i b a ozüngtem nung ajemdaker Khristantem anema inyaker aser Khristan tetsürtem puer aoba sülen Muslim nunger den kangshia kibong kümdaktsüba kanga bulua ataloker.

Tesüiba küm ana tsüngda Tsüngrem mezüngmeshiba ken otem nung maitsüi Pakistan nung Khristan aika chiokba ajanga tang aliba Pakistan sorkar dak Khristantemi teimla akar, ajisüaka tawa Taliban teloki Afghanistan yimsüsüba ajanga Khristantem ano teimla samaogo.

Tang ama tensa ka nung religious freedom atema linük ajaki longjemer inyaksüla aser US-i maneni minority tem anema inyakba sorkartem anema inyaksüla, ta International Christian C o n c e r n - i s a metetdaksü.

Religious fredom anema inyakba linüktem anema US-i tashiyim amshitsü memelungra r o n g s e n k e t t s ü n g l e n m a n g b o shibangtsütsüla, ta ICC-isa metetdaksü.

ANOGO ABEN TSÜNGREM DEN

PUNGMANG ASER MANGDANG

"Kong ainkar sayutsüngi mali, nübur tesotba mali, saka shibai ozüng beshir, pa tepelatsü".

A. Shin 29:18

Meimchir taküm ka nung kodang pungmang aser mangdang ta südir, nisung shia pei tarutsü nükla ayuba ta angatetdi. Meimchir taküm ka nung kodang mangdang ka makai lidir, tzüyim tulu nung rong anir mali aoba mesüka lir. Kodang koba mapang tzüyim yipru arutsü meteta maka aser kodang arudir mopungi mashi ka leni anir aotsü akok. Saka mangdang ka yur kodang asen taküm anidaktsüdir tia jenjang balala aruaka tarutsü nükla nungji tejangja ameta alinungbo kechaia asen taküm jenjang arakzüdaktsütsü makok. Taküm nung teti meimchir ajak tia kasa dangbo malir. Ken ken alima tia jenjang agi asenok tamakoker ama kümdaktsütsüsa ajurur, ken ken asen tashi maitba ajanga tezüdang tapu balala arutsü akok. Saka ya metetdi, asen taküm nung tezüdang alubaji kümdanga mazüoktetra taküm nung asen mangdang ajak samatsü. Anungji asen taküm nung kechi mangdang yanglua lir, yangji rangloker takoker taküm ka ka asütsü merangdi.

UP nung Hindu nungertemi Pastor Shyamanand amokmeren

September 04, 2021: August 4, 2021 nü Uttar Pradesh nung aliba yimsüng asem nungi Hindu nungeri Pastor Shyamanand jaokba sülen pai kangshia Hindu nungertem Khristan yimsü dangi meyipdaksür, ta aija amokmeren.

Hindu nungertem jagisa pa dang tekülem sentong agiba anenang aser na tanaben Hindu yimsü dangi meyipang ta ashi, ta International Christian Concern (ICC)-i metetdaksü.

ICC den jembidang Pastor Shyamanand-i, "Ni anema asalentong tamajung yangludar, ta ni meteta liasü. Ni yimdak tongti yimsüsür aser lokti dang, 'Ni tepsettsüsa süaka ni Yisu mesüra kü tamangba yimsü metoktsütsü' ta ashi," ta metetdaksü.

Pai Khristan yimsü metoktsütsü, ta ashiba ajanga loktiji jashiadok aser pa dang Uttar Pradesh nung anti conversion ozüng tasenba kübok pa anema ken o benoktsü ta amokmeren. Sendenji tasüngnep-a agitsü lemteta liasü.

Pa aputsüa akok, ta pai meteta pai yim toktsür ajenba sülen anogo 18 tashi atsüaka liasü.

ICC den jembidang pai, "Iba ama tensa ka nungji ni asoshi lenmang kecha maliasü, anungji jail nungi jenbuttsü atema ni jena aotsü apitet. Anungji ni ozü ki aser kibong toktsür anogo 18 tashi jenshia senzü," ta metetdaksü.

Legal tsütsü mongintem aser Khristan lenirtem den pa khuret lemsatepba sülen August 21 nü pastor-i pasasa police matsüngdangi ao. Khristan lenirtemi tiyongtsüi ia ketdangsertem den jembiba ajanga pa jail nung anogo ananü dang amongba sülen chiokogo.

"Ni police station nungi chiokba sülen nungi phone ajanga ni amokmerener. Karibo kü dang Hindu yimsü dangi meyipang mesüra yim toktsür oang ta ashir. Tekülem ki asemprong shibangogo, anungji iba ama tensa ka nung ni komaser Tsüngrem tenzüktettsü. Yimlibilema kü atema sarasademjang," ta paisa ashi.

"Pastor Shyamanand aser par kibong, aser India densema alima tesem balala nung reshikangshi tia nung alirtem atema sarasademjang," ta ICC-i mepishia metetdaksü.

OLONG PAITEP # 5927

1						2				3
								4		
5		6				7				
8										9
								10		
				11		12				
		13								
14						15				
			16							

TIPLÉN		LANGTSÜNGLEN	
1. O jembitsü tashi	- 8	1. Tepok telung nung shilem ka	- 7
5. Süngjang tapu ka	- 5	2. Tamajung aküm	- 5
7. Tekanük nung enokba	- 5	3. Chi den külemi achiba	- 3
8. Teka amtep	- 5	4. Meimchir alimai aruba	- 3
12. Tzük asendak	- 5	6. Laishiba nung ayong ka	- 4
14. Tsünpang tema aliba	- 5	9. Tarutsü nükla	- 7
15. Ken atenba yimya	- 5	10. Tamendakdak/Nükjidong	- 4
16. Asangur	- 8	11. Tenük-telen mejungi aküm	- 5
		13. Terok nungi adokba	- 3
		14. Meimchir telemsa	- 3

OLONG PAITEP # 5926 TELANGZÜBA

TIPLÉN :		LANGTSÜNGLEN :	
1. Taa, 3. Teküm, 6. Aibelen, 7. Aut,		1. Tai, 2. Asensor, 3. Tanü, 4. Kua,	
9. Ajizük, 10. Ojala, 11. Semer,		5. Mitsüktsü, 6. Azübenshi, 8. Lah,	
13. Sen, 15. Kioktsü, 17. Itsük, 18. Kar.		9. Jangkok, 12. Akok, 14. Nashi	
		16. Sür.	

KOMA SÜLA TELANGZÜBA

Q. Tang Nagaland nung parnoki meshiba ama, Mangkolemba, Tseminyu, Shamatore aser Tobu district tasen 4 akümstsü state government-i agizük nunga koma süla ?

Tangar kin-i district meshibajia tim asütsü saka Asen Ao Lima nung MBA district agütsütsü dalang. MBA area nung MLA 2 lir aser Govt recognised yim 50 tema lir, anungji district agütsütsü 94% temsüa lir, tangbo Aor lanur nübo tajung Minister/MLA-tem lir iba den 30th Alongdaki constituency nungi kanga dang techira, teyakyak, tarutsü atema nübo tajung Shri Imna Along Lkr lir, parnoki nendaka inyaktü yimla-a atadi.

- M.A.Ao, 4th mile, near four lane N-H 29.

Nagaland State yabo tensa tia kenyongi balaka nung tentetta kümtet. Tangar State den medemdangtsü makok. Kechiyong, nüburtem tensa tia agi tanü tashi industry mesüra factory ka danga lapokteta makai timtemer. Anungji, kokra Mangkolemba, Tseminyu Shamtor aser Tobu area temji dang masü saka district meshia aliba area ajak nem district agütsü nung jungla. Aji asü nung dang nungdakba developmentem den nübur asoshi office aser posts tasen create sütetsü."

- Taliangshi, kohima

Alima tepur ajungba aser nübur pelatepa jangratema alibaji govt nung rolling tashi meti liaka opposition tashi ita aliba ajanga nübur pelateper aser tsüngrem tenung sanga yimsüsür atema Tsüngrem Tang areshi meshija moaja alir saka asen Naga nungger yimsusurtem ita ishiketa opposition nung meliteta yimsüsür iba govt jagi alima renlokdaktsütetsü na meyimlar adi. Kü tangatetba nung, parnok nem district agütsü nung ajungtsü tetemtsü asütsü belimer. Kechiyong asenok tendak nungbo koma divide (lemdang) administration asür yamaji tayimjema nung maparen takok ngua inyaktetsü. *Tatitshitsü agi:* India nung district timba temji- Uttar Pradesh 71, Madhya Pradesh - 50, Bihar-38 Maharashtra - 35 & Rajasthan-33. North East nung Assam 33, Arunachal Pradesh 22, Manipur-16, Meghalaya-11. Item states nung koma terenlok angur, yamaji Nagalang nunga 'Untouched Developed' linük tem ayemjema atongtsü imlar. State kar: Goa aser Sikkim kong districts 2 aser 4 dang lir, parnok litsü aser netsüng context nung jenti terenlok ngüa lenirtemi anidaki. Saka Nagaland litsü context nung aiben kin agika aliba ajanga, Kin-kidong, sobaliba/ süngkum shi balala sasap, nung maparne ajaka amenloker inyaktü merangdang aiben takok mangu ama belimer. Saka kodang, tilatiba nema telemsa administrators maongka agütsüdir, ni imlar item tesem pezü nung dang kechi mangu lir, kechi agi anga lir, itemji nebur asoshi tajangzük jenti angutsü imlar. Anungji, State Govt-i litsü, linük, netsüng agi dang temsüa lirbo, parnok nem district agütsü nung junger ta belimer. Aser neburtem kisung dang tajangzük angutsü masü saka iba ajang State govt.-a tali tashi taiba akumtsü.

- Alem Aier

AO OSHI ANGAZÜKDAK:
TANÜ ANGAZÜKTSÜBA OJANG

Kura
 (n) aonsotsü süngjang taku tapu ka (bitter gourd)
 * **Kura** aon tasentzü aser mersü agi toa asotsüla.

Kushi
 (v) temeyong aser temesüla nükti kulepdakja amshiba (make fingers and toes fold as massage)
 * Temeyong aser temesüla **kushia** amshiba agi anisüngzük angur.



NAI-A YA METETTER MA?

SEPTEMBER 2021' ITA AMAZON PRIME NUNG SAYUTSÜ ALIBA SHOW ASER MOVIE KAR:

- American Me
- Apollo 13
- Big Mommas: Like Father, Like Son
- Can't Hardly Wait
- The Flintstones: Season 1 (Boomerang)
- The Killing: Season 1 (Topic)
- We'll Meet Again: Season 1 (PBS Living)
- Cirque Du Freak: The Vampire's Assistant
- Do The Right Thing
- Grown Ups
- Heist
- The A-Team
- Ancient Civilizations of North America: Season 1 (The Great Courses)
- The Voyeurs (Amazon Original Movie)
- LuLaRich: Limited Series (Amazon Original Series)
- Desperado
- Everybody's Talking About Jamie (Amazon Original Movie)
- The Mad Women's Ball (Amazon Original Movie)

TANÜBO NAI LANGZÜANG

Q. SBI-i koba State nung Floating ATM mezüng lapok?
 A. Kerala B. West Bengal C. Andhra Pradesh D. Karnataka
 (Taruba adok nung onoki langzütüsü)
YASHI ADOK TELANGZÜBA : 2004

SUDOKU # 5968 TELANGZUBA # 5967

						1	5	5	1	4	9	6	7	2	8	3	
				5	8		7	9	6	8	3	1	2	4	9	5	7
6		9							7	2	9	3	8	5	6	1	4
	6	1	5		3	4	9		1	7	2	6	4	8	3	9	5
			6		2				9	3	5	7	1	2	8	4	6
	2	5		4		1		3	8	4	6	5	3	9	1	7	2
2				6	1			8	2	9	8	4	5	6	7	3	1
				7		9		1	3	5	7	2	9	1	4	6	8
3			8		5	2		6	4	6	1	8	7	3	5	2	9

OJANG LUTEP # 5513

- IMALA :
- GDAN :
- UNJGRA :
- ENASI :
- PANMAG :
- OKINDA :
- AKBINYA :
- AREMAPN :
- JOAMAK :
- ÜMTSMAKÜ :

OJANG LUTEP TELANGZÜBA # 5512

TANGAR MAZÜOKDANG TAMASA PEI SASA PEI SHISATSÜ JUNGA AZÜOKTSÜ MERANGANG

TAN HOPTA ATEMA - KOMA SÜLA ?

Q. Nagaland angh R.N. Ravi ya melen nunga koma süla ?



September 04, 2021 nü New Delhi nung Bureau of Police Research & Development 51buba Foundation Day sentong nung Union Home Minister, Amit Shah-i awards lema agütsüba noksa nung angur.

Sept. 30 nü Bengal nung assembly menden 3 atema by election agitsü

New Delhi, September 04 (Agencies): Honibarnü Election Commission-i West Bengal nung assembly menden asem aser Odisha nung assembly menden ka atema September 30 nü by election agitsü, ta sangdongogo.

West Bengal nung Chief Minister aser Trinamool Congress tongti lenir, Mamata Banerjee-i Bhabanipur menden nungi toktepsü tebilemba lir.

By election osangji October 3 nü sangdongtsü.

EC-i election agitsü anogo sangdongba ya Mamata Banerjee atema osang tajung ka lir. Taoba assembly election nung lai Nandigram menden nungi toktep saka tamakok ngua liasü. La maneni Chief

Minister inyaksü atema lai taruba by election nung takok angutsüla.

Taküm election nung Mamata-i lai teti toktepa aruba Bhabanipur menden nungi masü saka Nandigram menden nungi ang toktep saka lai BJP candidate, Suvendhu Adhikari matsüingdang tamakok ngua liasü.

Tang Adhikari ya West Bengal Assembly nung Opposition Lenir lir.

Honibarnü Election Commission-i sangdong ka ajanga, West Bengal nung Bhabanipur Assembly Constituency atema by election agitsü atema telemtetba agiogo, ta metetdaksü.

September 30 nüsa West Bengal nung Samsanganj aser

Jangirpur menden na aser Odisha nung Pipli menden atema by election agitsü aser October 3 nü votes azüingba sülen kasa anogo nungjisa election osang sangdongtsü.

Taküm West Bengal nung Legislative Assembly election shilem ti lemsar March 27, 2021 nungi April 29, 2021 tashi agia liasü aser May 2 nü election osang sangdong.

Iba election nung Mamata Banerjee-i aniba party TMC-i menden 294 nungi menden 213 tashi nung takok angu. Iba election atema BJP-i kanga sashia nüboyima liasü saka tamakok angu. BJP-i menden 77 nung dang takok angu saka state nung parnok second-largest party lir.

Odisha nung tanurtem dak Covid tashidak kanga putetdar

Bhubaneswar/New Delhi, September 04 (Agencies): India nung coronavirus third wave mapang nung tanurtema aika kongshitsü, ta asadangteter aliba mapang nung Odisha nungbo tanur aika dak coronavirus tashidak kanga putetdar.

Hokolbarnü Odisha nung nisung 849 dak coronavirus puteta liasü aser Honibarnüa 681 dak putetogo, ta state health department ketdangser kati metetdaksü.

Tesüiba ghonda 24 tsüingda Odisha nung coronavirus tashidak putetertem rongnung tanur 118 densema lir, ta ketdangserisa metetdaksü.

Odisha nung tang tashi nung nisung lakh 10.1 dak coronavirus putetogo. Tang state nung coronavirus agi teshirangdakpur 7,186 lir aser shiranger ajak senteper lakh 9.95 anepogo.

Ano külen Honibarnü Union Health Ministry-i, India nung ano nisung 42,618 dak coronavirus putetogo aser tang tashi nung nisung crore 3.29 dak iba tashidak putetogo, ta metetdaksü.

Tesüiba ghonda 24 tsüingda linük nung coronavirus agi shiranger 330 süogo aser tang tashi nung ajak senteperbo nisung lakh 4.40 süogo.

Tang linük nung coronavirus agi teshirangdakpur lakh 4.05 kümogo aser ibaji coronavirus caseload nungi shilem 1.23 lir.

Tang hopta shia coronavirus positive putetba shilem 2.63 lir aser anogo shia positive putetba shilem 2.50 lir, ta Health Ministry-isa metetdaksü.

Hokolbarnü samples lakh 17.04 tendanga liasü aser tang tashi nung coronavirus vaccine dose crore 67.72 agütsüogo, ta ICMR-i metetdaksü.



September 04, 2021 nü Mandi House, New Delhi nung state 12 nungi Assistant Professor temi longkak aita kanga temsüa aliba tesayurtem atema asalentong tajung yanglujang ta akhangba noksa nung angur.

Sangküm Punjab nung single largest party ji AAP asütsü: Survey

New Delhi, September 04 (Agencies): Sangküm Punjab nung election agia osang sangdongba sülen party kati danga sorkar akümtsüsa menden peria mangutsü aser single-largest party ji AAP asütsü, ta ABP-CVoter-IANS-i agiba survey ajanga bushitet.

Sangküm Punjab election nung tongti party anaji Congress aser AAP na asütsü. Punjab nung BJP aser Shiromani Akali Dal na teloktepbu jenjang junga mali, ta iba survey ajanga bushitet.

Tang Congress party nungi Chief Minister teinyakdak, Captain Amarinder Singh dak nüburtemi melung masür, ta survey nung shilem agir shilem 64.8-i langzü.

Shilem agir 12.6-i dang parnoki sorkar dak melung kanga asür ta langzü aser shilem 19-i sorkar dak melung terabo asür, ta langzü. State nung chief minister dang masü saka Congress sorkar dak-a melung masür, ta survey nung shilem agir shilem 60.8-i langzü.

Iba denji kasa shilem 51-i peipei constituency nung MLA tem dak melung masüba lemsatap.

Tang state nung Congress sorkar dak melung masüba dang masü saka party telung nung chief

minister Amarinder Singh aser state Congress Tir, Navjyot Singh Sidhu na tsüingda mangatetep adoka lir, aser ibaji ajanga AAP dang jenjang ajungtsü.

Congress-i vote shilem 28.8 angutsü, AAP-i vote shilem 35.1 angutsü, SAD-i vote shilem 21.8 aser BJP-i vote shilem 7.3 angutsü, ta kasa survey ajanga bushitet.

Item votes ji asadanga Punjab nung party ka kijai sorkar akümtsüsa menden peria mangutsü aser single largest party ji AAP asütsü, kechiyong parnoki menden 51-57 shi angutsü. Congress-i menden 38-46 shi angutsü, SAD-i menden 16-24 aser BJP-ibo menden ka nung dang takok angutsüa akok, ta kasa survey ajangsa bushitet.

Ano survey nung shilem agir 17.9-ibo Chief Minister asütsü atema temsüa alisangji tang chief minister teinyakdak, Amarinder Singh lir, ta langzüogo.

Shilem 21.6-i tang Delhi nung chief minister teinyakdak Arvind Kejriwal Punjab nung Chief Minister inyakdaksüner, ta langzü.

Punjab nung nübur timbakati tongtibang onüktemji osettsüset nung jenjang atuba aser aluyimertem tebilemstü onük balala lir, ta lemsatepogo.

**GOVERNMENT OF NAGALAND
DIRECTORATE OF HIGHER EDUCATION
NAGALAND : KOHIMA**

NO.HED/HOST/1/2016/ **Dated, Kma, the 3rdSept. 2021**

This to inform all the proprietors/wardens of the hostels registered under the Directorate of Higher Education that the hostel forms for hostellers of Post Matric Students will be issued from this Office w.e.f. 6th to 30th Sept. 2021.

The Directorate shall also issue the Hostel Eligibility Certificate (HEC) to the newly established hostels that were inspected and found satisfactory.

The hostel proprietors/wardens are required to bring:

1. Original copy of HEC along with one Xerox copy.
2. Admission's register with recent passport pasted against the name of the students.

**Sd/-
(Dr. APENI LOTHIA)
Director
Higher Education
Nagaland : Kohima.**

**GOVERNMENT OF NAGALAND
DIRECTORATE OF TECHNICAL EDUCATION
NAGALAND : KOHIMA**

Dated, Kohima, the 4th September, 2021.

NOTIFICATION

NO. DTE/ ESTT-2/3/2016-17 : The interested candidate are informed to collect a prescribed application forms for Diploma Courses outside the State during 2021-22 session from the Directorate of Technical Education, Kohima (Below New Secretariat Complex) on payment of Rs. 200/- (Rupees two hundred, only) with effect from 06-09-2021 to 15-09-2021 during all working days. The form may also be downloaded from the website www.dtenagaland.org.in and the fee should be paid while submitting the form printed in white paper (A4 size).

The last date for receiving the complete forms whether by hand or by post is 15th September, 2021.

Sl. No.	Name of course	No. of Seats	Eligibility
1.	Hotel Management & Catering Technology	1	HSLC/ Equivalent Passed Certificate with Minimum 40% Marks on MATHEMATICS and SCIENCE
2.	Automobile Engineering	1	
3.	Computer Science & Engineering	1	
4.	Electrical & Electronics Engineering	1	
5.	Herbal Technology	1	
6.	Garment & Fashion Technology	1	
7.	Travel & Tourism Management	1	
8.	Mechanical Engineering	1	
9.	Electrical Engineering	2	

**(NUNGSANGMENLA IMCHEN)
Ex-Officio Director.**

Kabul nung tetsürtemi anir longkak ait



Kabul nung women rights activists temi anir longkak aitba yangi noksa nung angur.

Kabul, Rongjui/September 4 (Agencies): Kabul nung women rights activists temi anir longkak aitba sentong Taliban sepaitemi nokdangba sülen mepetmesü tulu adok. Parnok presidential palace leni meyoktsü atema Taliban sepaitemi nokdang.

Tolo News sangdong ka ajanga ashiba agi, Taliban puri tear gas khalokja longkak aiterem nokdang. Kabul nung tetsürtemi sorkar tsenba nung parnok nema shilem agidaksütsü aser parnok temeden khanga longkak aitar.

Parnoki ashiba agi, sorkar tasenba nung parnok shilemji tongtibang asütsüla.

Afghan women activists temi parnok nem kasa temeden agütsütsü aser yimden yimsüsüba nung tongtibang teletetba agiba maparen nung parnok nema shilem agidaksütsü khanga longkak ait.

Taliban co-founder Mullah Baradar-i anir Afghanistan nung sorkar tasen ka tenzütsü ta osang balala adoker aliba mapang tetsürtemi taruba sorkar kübok parnok nema tongtibang teletetba agiba maparen nung shilem agütsütsü khangogo.

Iba longkak aiba sentong ya iba telok yagi live stream süa liasü, shirnoki loktiliba, yimden yimsüsüba aser rongsenketzung nung parnok

nema shilem agütsütsü ayongzükgogo.

Brehostibarnüa Heart yimi nunga tetsürtemi sorkar tasenba nung parnok nema shilem agidaksütsü khanga longkak aitogo.

Mongintemi ashiba agi, Taliban yimsüsüba kübok Afghan nunger tetsürtem tarutsü mejangjai kümogo.

Taoba mapang Taliban yimsüsüba kübok tetsürtem long agi onseta südaksüba aser yimjak nung tepsetba mapangshia ajangshia aruogo.

Taliban puri Islamic law tesashi benoka yimsü asütsü meranger, kong tetsürtem atema lokti nung kecha jenjang mali.

Philippines-i linük 10 nem tenokdangba agütsür aliba agintsü

Manila, Rongjui/September 4 (Agencies): Philippines-i India aser United Arab Emirates (UAE) densema linük 10 nungi par linüki arurtem nem tenokdangba agütsür aliba September 6 nü nungi agintsü, ta tir otongdari Honibarnü metetdaksüogogo.

Tir otongdar Harry Roque-i ashiba agi, coronavirus Delta variant prokshia aoba nokdangtsü atema April ita nung linük kar nem tenokdangba agütsü ano July ita linük kar bendenlokba sülen iba tenokdangba ya Hombarnü nungi agintsü.

Philippine tir Rodrigo Duterte-i, India, Pakistan, Bangladesh, Sri Lanka, Nepal, UAE, Oman, Thailand, Malaysia aser Indonesia nem tenokdangba agütsür aliba agintsü atema inter-agency Covid-19 task force-i benoka agizükogogo. Roque-i, item linük

10 nungi Philippines-i arurtem linük tonga aruba sülen anogo 14 quarantine asütsü, ta ashi. "Shisema aliba linüktem nungi arurtem linük tonga aruba sülen testing, aser quarantine inyakyim sülen anidaksü nüngdaker," ta Roque-i ashi.

Ajisüaka special visas aser Philippines nunger apuani dak alker bendanger alima penzürtem linüki arutsü memelatsü.

Philippines nung tang Covid-19 tashidak kanga kara menatepyong odar aser Hokolbarnü tashi nung nisung 2,040,568 dak tashidak potetogo aser nisung 33,873 süogogo.

Linük nung Delta variant mena alir 1,789 potetogo aser nisung 33 süogogo aser iba variant ya lokti nung kanga kara menatepyonga odar. World Health Organization (WHO)-i ashiba agi, Philippines nung tang Delta variant ya kanga kara

prokshia odaki.

Health undersecretary Maria Rosario Vergeire-i, Delta aser tanga coronavirus variants tem prokshia aoba ajanga Covid-19 tashidak menar timba küma aotsü ta tekümdangtsü metetdaksüogogo. Laisa, tashidak kanga kar prokshia aoba nokdangtsü atema Metro Manila aser tanga tesemtem nung tenokdangba balala agütsür lir, ta ashi.

Southeast Asia nung Indonesia sülen Philippines nung Covid-19 cases aser tasüba timba lir. Delta variant agi animesor Philippines nung Covid-19 tashidak kanga kara prokshia aoba ajanga mozük tem tawadakdak makai kümogogo aser kasa mapang nung teyari shidak magütsüba aser sorkari inyakyim shidak benoka minyakba atema healthcare workers temi longkak aita arudar.



Ida yipru agi kokshia Raritan ayong anasa tüzümsüng agi teraksatsüba tulu bener arutsüba sülen anogo ana lir New Jersey kübok Manville N.J. jila nung ki oset balala raksar aliba noksa nung angur.

Japan PM Suga-i Vaccine Minister Kono pusemstsü

Tokyo, Rongjui/September 4 (Agencies): Ato Kilonser mapa toktsüsang Yoshihide Suga-i, Japan nung vaccine agütsüba sentong achaayangba minister Taro Kono pusemstsü renemer lir. Iba ita tatemlen Liberal Democratic Party's (LDP) lenir atema toktepa mapang Suga-i Kono pusemstsü renemer lir, ta broadcaster Nippon New Network-i Honibarnü metetdaksü.

Suga-i Hokolbarnü ajungbena PM mapa toktsütsü teletetba agiba sangdonga liasü aser iba ajanga Ato Kilonser mapa atema lenir tasen ka shimtsü lenmang lapoktsüogogo.

September 29 nü party election agia lenir tasen ka meshim tashi Suga-i PM mapa bena atatsü imlar.

Suga-i mapa toktsüba osang sangdongba sülen ghonda ishika

lir broadcaster TBS sangdong ka ajanga PM menden atema Kono tokteptsü renema lir, ta metetdaksü. Ajisüaka Kono-i, pa PM menden atema tokteptsü sentong aliba indang kecha mashi aser party nung külem lenirtem den mezüng sensak asemtsü ta ashi.

Kono ya taoba mapang foreign aser defence minister liasü aser pa lanurtemi kanga sapur.

Taoba foreign minister Fumio Kishida-i PM menden atema tokteptsü sangdongatokogogo aser kasa mapang nung minister aikati tetoktepa nung shilem agitsü jangraba lemsatepogogo, iba ajanga ken o mejangjai kümogogo

Japan nung Shinzo Abe-i küm ti tashi PM mapa maben

tsüngda küm tork nung Ato Kilonser trok tashi melena liasü.

Pakistan intelligence tekolakba Lt Gen Faiz Hameed Kabul-i ogo



Pakistan intelligence tekolakba Lt Gen Faiz Hameed-i anir Pakistan nunger lenirtem Honibarnü Kabul tonga aruba noksa nung angur.

New Delhi, Rongjui/September 4 (Agencies): Panjshir valley nung rara tulu adoker aliba mapang Pakistan intelligence tekolakba Lt Gen Faiz Hameed-i anir Pakistan nunger lenirtem Honibarnü Kabul tonga ogo.

Taliban puri taruba hopta sorkar tasen ka kümtetba mesangdong tsüngda Hameed, Kabul tonga ogo.

Pakistan nunger osangbener Hamza Azhar Salam-i, linük ana tsüngda tarutsü atema sensak asemtsü asoshi Taliban-i jaokba sülen Hameed-i Afghanistan semdang, ta ashiba ANI sangdong ka ajanga metetdaksü.

Pakistan nung Taliban pur indang headquarters ka amenoka lir aser osang ajanga ashiba agi parnok Pak indang tashi tait Inter-Services Intelligence agency den sendaktepa liasü.

Pakistan-i, Taliban nem military teyari agütsü ta aitsüba Pakistan-i magizüki arudar. Afghan sorkar aser Washington nati iba dak sendakba nung

Pakistan aiben aija aruogo.

Taliban-i Afghanistan atsüngba nung teyari agütsüba atema Pakistan aser parnok indang intelligence agency aija arudar.

Washington nung osangbenertem den sensaksemba mapang Foreign Secretary Harsh V Shringla-i Hokolbarnü ashiba agi, Pakistan-i Taliban pur pusema anitetogogo, shirnoki nüburtemi shimba sorkar melenogogo.

Mongintemi, Afghan sorkar atsüngtoka Afghanistan nung Taliban nem tashi agütsüba nung Pakistan-i tongtibang shilem agiogo, ta bilemer.

Tawa UN Monitoring report ajanga, Al-Qaida lenirtem aika Afghanistan aser Pakistan arrtsü nung alir ta shiogo.

ISIL-K aser al-Qaida nunger bendanger lenirtem timba Pakistan adena Afghanistan ai aser item telok nungi lenirtemi aser Taliban nunger lenirtem Pakistan nung lia liasü, ta US osang ajangasa metetdaksü.

Advisor Tovihoto-i Dimapur nung Parkway semzüksüogo



Dimapur, Rongjui/September 04, 2021 (TYO): Honibarnü, Dimapur kübok Hotel Sente anasa, Advisor for Power, Tovihoto Ayemi-i Parkway ka semzüksüogo. Iba Parkway ya Dimapur Municipal Council den Better Dimapur Team longjemer achaayanga liasü, ta sangdong ajanga metetdaksü.

Iba Parkway melapokdang, jana bendentsü asoshi iba tesem (Parkway lapokba tesem) amshia liasü, saka State telungi aiter ajaki meraketa reprangtsü asoshi tanü iba tesem melenshiogo.

Sentong nung jembiba mapang, Tovihoto-i iba project tilaka dang asütsü akok, ajisiüaka iba maparen takok ngua inyaktetba ya kanga dang tongtibang, kechiyong küm aika atema süisübonger/

senzüsembonger tem chidaksüsa mesüra metsükmekongtsüsa iba tesem tilaka ya jana bendenba tesem ka liasü, ta ashi.

Nagaland-i arur gari shilem 80%shi iba lenmang (Golaghat Road, Dimapur) süia aiter aser iba tesem nung jana bendenba angudang aikati metsükmekonga repranga alitsü. Ajisiüaka, tanü municipality ajanga iba tesem merüktetta aser tepor junga yanglutsüogo, ta Advisor Tovihoto-i ashi.

Dimapur tesem merüka yutsütsü aser tangari tepor junga angutsü asoshi asenok ajak longjemer inyaksüla, ta pai telok ayongzük.

Tovihoto-i ashiba agi, iba Parkway ajak atema lir aser iba Parkway kümzüka tepor junga ayutsü asoshi ajaki pei indang

ama bilema anepalutsüla.

Kasa anogo, nüburtem dang merükmejuba nung tekümdangtsü osang sangoktsütsü asoshi, Advisor Tovihoto-i bike rally ka tenzüksü (flag off).

Dimapur tesem temerükba yanglutsü aser terenlok maparen tsütsü takok ngua inyaksü asoshi nübur ajaki shilem agia nungittsüla, ta DMC, Administrator, Albert Ezung-i ayongzük.

SDO, Dimapur Zubenthung Ngullie-i, terenlok alitsü asoshi nüburtemi DMC aser district administration den longjemer inyaksü nüngdaker, ta ayongzükü liasü.

Maneni, Dimapur atema project tajung ka atongtetta inyakba atema Commissioner of Police, Dimapur Rothihu Tetseo-i, DMC aser Better Dimapur team dang pelaba metetdaksüogo.

Dimapur nung alir sensopur ka ama, Dimapur tesem nung merükmejuba inyakyim lidaksütsü asoshi ajaki longjemer inyaksüla aser tangar lutsüba/aitsüba shisatsü agientsüla, kechiyong asenok tsüngda kati ka luja aser aija jembiba ajanga maparen kecha nunga takok mangutsü, ta Tetseo-i ashi.

Vocational Education aser NEP 2020 atema webinar ayongzüksü

Dimapur, Rongjui/Sept. 04 (TYO): National Education Policy (NEP) 2020 ajanga skills development nung tali temolung agüja lir aser yangjia vocational education nung tali rangloka lir. Vocational education nung tang aliba sentongtem tali angatetsü mechi Nagaland Board of School Education ajanga 'Vocational Education and NEP 2020' nung Webinar ka ayongzüksü, ta sangdong ka ajanga ashi.

Iba sentong ya September 7, 2021 nikongdang 2:00 ako nungi 4:00 ako tashi alitsü aser iba sentong nung Dr. Vinay Swarup Mehrotra ya shisalen

sayur ka ama shilem agitsü.

Dr. V.S. Mehrotra ya Pandit Sunderlal Sharma Central Institute of Vocational Education (PSSCIVE) Bhopal nung Centre for International Relationship nung Professor aser Head of Curriculum Development and Evaluation Centre (CDEC) lir, koba National Council of Educational Research & Training indang constituent unit ka lir. National Council of Educational Research & Training ya Ministry of Education, Government of India indang autonomous organisation ka lir. Pai Ministry of Education

den külemi National Skill Qualification Framework yanglua mapa kuma inyakba nung shilem tulu agia arur.

Dr. V.S. Mehrotra ya Samagra Shiksha kübok Ministry of Education ajanga senotsü agüja Class IX nungi XII tashi atema vocational curricula aser courseware yangluba nung project coordinator ka ama inyaker.

Register süa aliba kaket reju indang tekolakpur ajak iba webinar nung adentsü metetdaksüogo. Iba webinar indang Meeting ID ya 857 3220 3382 aser Pass code ya 522872 alitsü, ta sangdong ajanga ashi.

IMDH, Mokokchung merenemba ajanga nübur tim atemer: AWUMT

Dimapur, Rongjui/Sept. 04 (TYO): Dr. Imkongliba Memorial District Hospital (IMDH), Mokokchung indang main building yangluba maparen merenemtetba ajanga Mokokchung aser kidanger district nung aliba nüburtem timtem balala ajurur, ta All Ward Union Mokokchung Town (AWUMT) ajanga Minister, Health & Family Welfare, Nagaland dangi September 3, 2021 nü züluba shidi ka nung shia liasü.

IMDH indang main hospital building tajungba kuma yanglushitsü atma contract ya K.C. INFRA PROJECTS PVT LTD nem January 15, 2018 nung NHM 2017-18 kübok agüja liasü. Iba contract indang tender ya sen 12,92,64,000 alitsü.

Work Order indang terms & conditions nung iba contract maparen ya work order agütsüba anogo nungi tenzük ita 36 nung renemtsü mapang agüja lir, ta parnoki ashi.

Ajisiüaka iba contract mapa tembangtsü atema agütsüba mapang, ita 36 süyitemaka contractor temi main hospital building yangluba maparen nung terenlok majiteter, ta ashi.

AWUMT ajanga iba tesem tsüngtong oa reprangdangogo aser iba mapang ki tejenba raksaba dak alaka ki tasenba atema mapa kecha metenzük ta ngutet, koba Mokokchung nüburtem asoshi khenyongi magizüketba maparen ka lir, aser ibai Work Order indang terms & conditions den khenyongi mapet lir, ta shidi nung shia lir.

Contractor indang maparen aser inyakyim nung tamang makateter aser parnoki mapa senzüka yutsüba ya Mokokchung aser temeket district tem nung aliba nüburtem health aser temang anema aliba dak sendakba inyakyim anema lir, ta ashi.

Ajidang masü, tim ketdangsur shingaia contractor dang Work Order nung aliba ama mapa ya mapang shidak nung atemtsü ajungshiba mali ta ajiteta AWUMT kanga süngmanger.

Anungji item kulitem nung ajemdaker K.C. INFRA PROJECTS PVT LTD nem Work Order agüja aliba agienja tekeratiba nung iba maparen atema tender tasen sangdongtsü mepishir, ta Minister, Health & Family Welfare, Nagaland dang AWUMT ajangasa ashi.

MENUNGRAA BILEMTETER



Temeim kinungtsu, chirnurtem, semchirtem aser kinungertem.

POKYIMCHIBA AIER
5.9.2020 - 5.9.2021

Onok rongnung shi nung meliaka temulung nung teti lir. Kotak nung ajurutsu yongyaa atar.

"Kechiyong washiba agi, tamarenba kotak tenyar ola agi, aser Tsüngrem jangzü ola agi Kibuba pei sasa kotak nungi alutsü: aser Khrista nung asürtem tamasa shia arutsü."

- 1 Tesalonika 4:16

Pelaba Lemsateper

Aso: 1933 ~ Asü: 26/08/2021

Onok Taküm jenjang yanglutsüsang temeim obala asür **AOWATI IMCHEN (CHUNGZIA)**. Pa arishi talangka Tsüngremi moatsüba tepiyong shirangertem yaria mozü tapu balala yanglua amang sangwa memeteti jaja, aser nüpurtem aika yaria liasü.

Pa Dimapur, Mokokchung aser yimtak shiranga aliba mapang nungi iba akümüli pongmang ama toktsür aoba anogo tashi, kija kibong, kiyonger, yimeryimsanger, Arogo, yimden, kinünger, aser lokti tentet balala kwikati ana aser talang nungi nüpo, rongsen, shisatsü aser sarasadem tulu agi yaritepogo nenok dangi tsüngdong arua meshiaka ajka dang kanga pelaba lemsateper. Tsüngrem tulusangi nenok ajak moajangma.

~ Temeim Chirnurtem, Semchirtem aser anükapang.



13buba MAN atema tanü tashi entry lapoktsür

Dimapur, Rongjui/September 04, 2021 (TYO): 13buba Music Awards of Nagaland indang entry agütsütsü/bendentsü atema Deobarnü (05.09.2021) tashi lapoktsür. Anungji, MAN nung nomination atema iba anogo tashi entry agütsütsü asoshi ajak dang mepishir, ta sangdong ajanga metetdaksü.

Taküm küm indang Music Awards of Nagaland atema Chief Judge ji ajaki jangjaa aliba actor, film director, producer, music director, composer aser taoba mapang VJ, Luke Kenny asütsü. DJ ka ama Kenny-i pa career tenzük aser iba sülen Channel V nung tebur rongnung pai mezüng VJ ka ama inyaka liasü. 2008 küm tashi Channel V nung music programming indang tekolak ama Kenny-isa inyakogo.

2005 küm Kenny-i director maparen nung ajemoka '13th floor' yanglu aser paisa iba film produce süa liasü. Iba film ya digital ajanga sayaba India indang mezüng film liasü aser film festival sentong balala nung aika tziuratema agizükogo.

2008 indang Rock musical drama - 'Rock On!!' nung Kenny-i shilem agiba atema nüburtemi pa tali jangjaa aküm. Osang kakat balala nung



Luke Kenny

Kenny-i pa tebilebatem lemsatepogo. Kenny-i Hindustan Times atema "If I may say so" aser Rolling Stone India atema "Lukebox" zülutsüogo.

2011 küm Kenny ya 9XO channel indang tekolak ka aküm. 9XO ya anogoshia sayaba international music channel ka lir. 2013 küm, India indang mezüng zombie film, 'Rise of the Zombie' nung Kenny-i shilem agiba den külemi pai iba film produce süogo.

Netflix series 'Sacred Games' nung Kenny-i mercenary Malcolm Murad ama shilem agiba atema pa nungtugu aküm. Bollywood film 'Tanhaji' nunga Kenny-i Mughal emperor Aurangzeb shilem agiogo.

1buba Olive Futsal Cup tenzükogo



Dimapur, Rongjui/September 04, 2021: Olive Futsal Cup asayamung nung, Nagaland Super 5 team aser Kakit team na asayaba yangi noksa nung angur.

Dimapur, Rongjui/September 04, 2021 (TYO): Honibarnü, Olive Turf, Doragapathar, Dimapur nung Olive Futsal Cup asayamung tenzükogo. Iba asayamung nung Assam aser Arunachal Pradesh nungi team anana densema, team 54 agi shilem agitsü, ta sangdong ajanga metetdaksü.

Iba asayamung lapokba sentong nung, alakteta tejaoker ama President, DDADU, Tito Yephthomi aruagi denogo. State nung saisapong wadang tsütsü renloksü asoshi lenmang balala lir, ta pai ashi.

Ajaki longjemer inyakra, saisapong wadang tsütsü terenlok tajung alitsü asoshi lenmang adoktsü ,ta pai telok ayongzük.

Saisapong ajanga nübur tsüngda kati ka akümsübütsü angazüker aser ibaji ajanga lokti nung temelenshi tajung adokdaksür, ta Tito-i ajangshiba ka telok den lemsatep liasü.

Tanga State nungi arur team tem atema registration taa agütsütsü ta Tito-i nangzük.

Futsal Cup achaayanger rongnung züngsem tongti, Mito Achumi-i, Naga nung rongnung Futsal saisapong ajungkettsütsü nükjidong nung, Olive Futsal Cup ayongzük, kechiyong alima tesem ajunga nung nüburtemi iba saisapong janratema agizüker, ta ashi.

Futsal ajanga football wadang nung alimai Naga nung tali dang jangjatsü imlar, ta pai lemsatep.

Honibarnü, iba asayamung tenzük, Football sapurtemi Nagaland Super 5 aser Kakit team na tsüngda asaya repringo. Team anapronglai toktepa asaya liasü aser asaya atema latetja aliba mapang (16 minutes) temer sülen team anaprongla draw nung tembang.

Penalty shootout asayar sülen, tiaka Nagaland Super 5 team-i iba asaya takok angu.

Nagaland Super 5 team nung national player 2 dena lir. James Kithan, shibai Churchill brothers Kolkota atema goalkeeper ama shilem agir, I League division nung best goal keeper award

asere Man of the match award angur Naga nung rongnung pa mezüng asütsü. NE team of the week' nunga pa denogo. Ano, N E.United atema asayar Kivi Zhimomi-i Nagaland Super 5 team nung shilem agidar.

Match tanabuba nung AZTEC aser Pandora na asaya liasü, kong AZTEC-i Pandora madak goal 2-1 agi takok angu.

Iba sülen, tasembuba match nung Thahekhu FC aser United Brothers Ghaspani na asaya liasü, koba Thahekhu team-i takok angu.

Olive Futsal Cup asayamung nung Champion, 1st runner up aser semi- finalist nung takok angur team nem senpet lakh 1 jungnüa agütsütsü terenemba lir. Iba den külemi individual award balala agütsütsü.

Iba asayamung tenzükba sentong nung, Tsüngremer temoatsü aser Pa leniba meshia Rev. Babu Bhat-i sarasadem. K.Heloto Shohe-i ken ka aten aser Licato Sukhalu-i tepela anküp o jembi, ta kasa sangdong ajanga metetdaksü.

Tokyo Paralympics: Pramod o Manoj nati gold aser bronze medal angu

Tokyo, Rongjui/September 04, 2021 (Agencies): Honibarnü, Tokyo Paralympics - men's singles SL3 class badminton asayamung nung, world champion Pramod Bhagat-i otsüsütsüsa gold medal angu. Kasa mapang Manoj Sarkar-i bronze medal angu.

Iba asayamung (men's singles SL3 class badminton) final nung, Bhagat-i Great Britain nung Daniel Bethell tsükdaksü. Tasembuba jenjang atema play-off nung külem India nung Sarkar-i Japan nung Daisuke Fujihara madak takok angu Asayar anapronglai straight set' nung takok angu.

SL3 telemsa nung, tsüngsüker athlete tem shilem agitsü asoshi melar.

Paralympics nung taküm badminton saisapong mezüng asayar asütsü. Pramod Bhagat, shiba World no. 1 nung lir, iba saisapong nung gold medal angur India nung rongnung pa mezüng kümogo.

Yoyogi National Stadium nung final asayaba mapang, Asian champion Pramod-i 21-14, 21-17 agi World no.2 Bethell

tsükdaksü. Iba asaya minute 45 nung tembang.

Bhubaneswar nungi arishi küm 33 tain Pramod-i ano mixed doubles SL3-SU5 class bronze medal playoff nung asayatsü terenemba lir.

Deobarnü bronze medal play off nung, Pramod Bhagat aser külem India nung Palak Kohli nati Japan nung Daisuke Fujihara aser Akiko Sugino den asayatsü.

Badminton single masayadang, mixed doubles nung Pramod aser Kohli nati 3-21, 15-21 agi Indonesia nung Hary Susanto aser Leani Ratri Oktilla makok.

India nung, para-badminton saisapong tsütsü shilem tajung agiba atema 2019 küm pai Arjuna Award aser Biju Patnaik Award angu.

Maneni, tebur kija bronze medal play-off nung arishi küm 31 tain Manoj Sarkar-i Japan nung Fujihara madak 22-20, 21-13 agi takok angu.

Men's singles SL3 class semifinal nung Sarkar-i 8-21, 10-21 agi Great Britain nung Daniel Bethell makok.

Arsenba Ozüküm Kyrgyzstan nungi shilangogo



Dimapur, Rongjui/September 04, 2021 (TYO): Tawa tembangba 'GAMMA Asian MMA Championship 2021' nung Bronze medal angusang Mixed Martial Arts (MMA) asayar Sp. Arsenba Ozüküm Kyrgyzstan nungi shilangogo.

Sp.Arsenba Ozüküm ya Mongsenyimti nung, tebu Wb. Imtiolem Ozüküm aser tetsü Wt. Walusangla Jamir tena chir tanabuba lir. Par kibong Dimapur Ekraniphadar kiyong nung alir. Sp Arsenbai lanuwa nungi jangraba mapatem rongnung Mix Martial Arts sayisabong ya liasü, anungji pa iba wadang nung tasoba küm 17 asüadang nungi tangazükba tapu balala angazüka asaya tenzük arudang pai takok angubatemji:-

1. National Mixed Martial Arts Championship First place : 2018.
2. International MMA Championship at Kohima : 2018
3. International MMA Championship at Shillong : 2018
4. The GAMMA India National Championship Bengaluru : 2021
5. Global Association of Mixed Martial Arts Kyrgyzstan August : 2021

Maneni iba asaya nung shilem tajung agia arua alidang Global Association of Martial Arts (Asia) Championship 2021 India tenung nung shilem agitsü maangka ngutetba den külemi pai Bronze Medal takok korang ajangzüktebaji India asoshi tetushi tulu aser Naga nung aser pei sensopur asoshi khonang nüngsang meraket tulu lir.

Pai ashiba agi, oli aruli nungdak ajak nung yimtsür yimertemi aser temeimertemi dang yaria aru aser tongtibangsa tang Kyrgyzstan-i aotsü atema tebilemstü tulu liasü, saka Shri Tongpang Ozüküm, (Minister Housing & Mechanical) aser par kibongi teyari tulu agütsüba ajanga kecha timtem melii orr arutet ta pelaba metetdaksü, iba den külemi Dimapur Mongsenyimti Senso telungjem aser kija kibong ajaki sarasadem nung nongita yariba agi takok angu ta pai pelaba shisem.

Ano maneni asaya aotsü alinungji tarutsü anogotem nunga nenoki sarasadem aser kechisarena ajunga nung yariangni ta Arsenba Ozüküm aser tsüraburi metetdaksü.

Tokyo Paralympics: Manish aser Singhraj nati gold aser silver medal angu

Tokyo, Rongjui/September 04, 2021 (Agencies): Honibarnü, Tokyo Paralympics Mixed 50m Pistol SH1 Shooting final nung, India nung Manish Narwal aser Singhraj nati mezüngbuba aser tanabuba jenjang nung takok ngua India atema medal ana bendenloksü. Arishi küm 19 tain Manish-i gold medal takok anguba den Paralympics Record - point 218.2 ajangzükte aser Singhraj-i point 216.7 ngua silver medal angu. Tan Tokyo Paralympics nung Singhraj-i medal tanabuba takok angur asütsü.

Arishi küm 39 tain Singhraj, shibai hopta tetenzükle 10m Air Pistol SH1 asayamung nung bronze medal angu, Honibarnü Mixed 50m Pistol SH1 Shooting final asayamung nung pai ROC nungi Sergey Malyshev madak

Kasa mapang, Manish Narwal, shibai Mixed 50m Pistol SH1 asayamung final nung gold medal anguba den World Record ajangzükte, pai Malyshev tsükdaksü. Iba final asaya nung elimination stage indang series pungobuba tashi Malyshev-i gold medal angutsü teimla nung temaba jenjang tongteta asaya liasü.

Manish-i gold medal angutsü atema pai point 10.8 aser 10.5 angu.

Asayamung ka nung Manish aser Singhraj nati gold aser silver medal anguba atema, taoba Olympic nung Gold medal angur Abhinav Bindra-i social media sabang nung shooter anaprongla nem tenüngsang agütsüogo.

Tang asaya aliba Tokyo Paralympics shooting asayamung nung India-i medal 5buba takok angur asütsü. Shooting toktepeba nung India tsür Avani Lekhara-i gold medal ka aser bronze medal ka; Manish-i gold medal ka aser Singhraj-i medals ana nguogo.

"Mixed 50m SH1 nung India atema Manish Narwal-i gold medal den Paralympic record aser Singhraj Adhana-i silver medal nguogo. #Tokyo2020 Paralympics nung Singhraj-i medal tanabuba angur asütsü. Tenaprongla nem tenüngsang agütsür," ta Abhinav-i lemsatep.

***PM Modi-i Manish aser Singhraj nem tenüngsang agütsü

Tokyo Paralympics 50m Mixed Pistol (SH1) asayamung final nung shooter Manish Narwal aser Singhraj Adhana nati gold aser silver medal anguba atema, Ato Kilonser Narendra Modi-i asayar anaprongla nem tenüngsang agütsüogo.

Arishi küm 19 tain Manish-i otsüsütsüsa point 218.2 ngua Paralympic record yangluba den gold medal angu. Kasa mapang,

Tokyo Paralympics nung Singhraj-i medal tanabuba angu.

"Tokyo #Paralympics nung shilem agir India nung parathlete temi maneni tenüng tajung bener arudar. Asayar tasen aser sempet tajung alir Manish Narwal-i otsüsütsüsa jenjang ka ajangzükte. Manish-i gold medal anguba ya India saisapong atema otsü asütsü," ta Twitter ajanga PM Modi-i lemsatep.

"Singhraj Adhana-i tanaben medal nguogo! Mixed 50m Pistol SH1 asayamung nung pai medal tanabuba angu. Pai maneni takok anguba yong India nung alir nüburtem pelateper," ta Modi-i lemsatep.

India Tir, Ram Nath Kovind aser Vice-President Venkaiah Naidu napronglai asayar anaprongla nem tenüngsang agütsüogo.

Manish Narwal-i gold medal den World record ajangzükteba atema Sports minister Anurag Thakur-i Narwal nem tenüngsang agütsü. Kasa mapang Sports Minister Kiren Rijju-ia shooter anaprongla nem tenüngsang agütsü.

"India nung shooter anapronglai gold aser silver medal anguba osang angashia janratemer," ta India nung cricket asayar Virender Sehwag-i ashi.

BILEMDANGANG

"Pei sempet memeteti akümlü wadang mesüitemdaksütsüla."